

建昌府志卷四十三

人物傳七

王一言 李應陽 張嶺 黃洙 高珍

羅繼宗 萬民華 萬煜 吳思學 余冕

魏侃 唐以補 李澄 羅軒 弟 張時獻

鄧錫 父約 鄧鏞 湯洽 曾思孔 父勗 鄧鍊

涂雲雁 左宗郢 羅萬程 石瑯 李存信 父惠

陳欽福 胡深 曾孫自協 張壽朋 馮渠

饒登 章濱 黃守經 涂懋政 劉文卿

黃立言 方立譚 浚 孫慎 劉承恩 揭其大 陳本

張以化 鄧仲驥 孔尙舉 賴龍 劉烜

建昌府志

卷四十三

人物傳七

黃名卿 曾漸 石鳴鳳石 鄧漢 趙師聖

張紹登 李春開 鄧澄 黃佑 陶仁慶

璩光孚 黃應璧 劉崇信 璩光岳 鄧京

湯洪先 祖壇 涂世延 弟世聘 趙伯里 黃有仁

周朝瑞 涂國鼎 父朝敬弟國佑子斯邵 黃文海 劉伸 兄位

陳所志 父輔 鄭之文 賴孔謨 吳紹宗 石文器

鄧時康 易安演 楊思庠 楊思本 甘洽 子士

黃中雅 鄧允淳 吳煥 黃隆

建昌府志卷四十三

人物傳七

明

王一言字民法號帶水南城人遊羅近溪之門舉隆慶丁卯鄉試萬歷甲戌成進士初令太湖曰吾有節愛二字以承師緒或難之日以我為時令則不足以我為漢令則有餘調吳江邑賦甲天下民一承役家即裂强者食弱毋詭寄紳戶一言乃治其豪力而抗者寄戶相顧色沮遷南刑部郎轉北首疏爭三王並封竟得俞國本由此定遷杭嚴副使有狷醉商探囊以去而脫禍於同行駮稚目誣服一言察其色寃釋之官至應天府丞三乞休得歸為人廉正温

建昌府志

卷四十三

人物傳七

易宦不甚達常引鏡自斷曰吾骨不富却窮處勝人在朝與孫不揚趙南星許宏綱有四君子之稱嘗守萊拒倭捐俸置火器城守七日夜不解帶萊人立有生祠沒後二十三年崇禎戊寅江西巡撫解學龍奉旨行府查實拒倭事

覆議崇祀

吳秉乾所  
江文獻

李應陽字時泰南城人瓊子隆慶二年襲職正千戶以督運功陞指揮歷任廣西昭平副總兵府江叛搖蠡起督撫會題征討應陽奉檄往與眾盟曰吾家世効忠貞地方有變正我報主時也不搗巢穴誓不生還提兵勦滅浹旬蕩平隨議善後屯設重兵悉心經畧竟卒於瘴鄉三軍灑泣立祠祀之額曰忠節祠贈都督僉事

高志

張嶺字子謙號斗陽南城人隆慶戊辰進士嘗從羅汝芳學  
遠志卓悟希踪古人又與鄧元錫交善元錫亟稱之性至  
孝初以世家子習爲豪父憂之諱語毋毋泣嶺跪問故則  
相對泣退取針刺字腕中以自警嗣是力學日盡數萬言  
工古文詞工詩工真草書名藉甚成進士授上海令上海  
田賦不均役人乾沒多影射嶺因編審置二籍分民甲官  
甲百姓便之開淞江水利故事工峻給直會年饑嶺諭民  
能助開濬者日給直民大至饑不害而工成左遷眉州判  
攝彭山縣事俗輕生莫能禁嶺爲因其俗立說曲諭之刻  
付童子俾宣頌未幾俗丕變累遷工部主事轉員外郎晉  
屯田司郎中嶺具大用才而時露芒角翫體不諧世同官

建昌府志

卷四十三

人物傳七

二

多忌之遂引疾歸後復起通判蘇州卒於官生平敦尚實  
學於師友間虛已讓善恒相下臨卒謂子本曰欲爲君子  
要當立誠毋以羅子當下卽是之言忽實功其切至如此

所著有翠虛樓蒼榆館集

鄧潛谷集

黃洙字宗孔新城人少受學於鄧元錫隆慶間選貢授柳城  
令鋤奸愛士清徭役葺城池後致政歸蕭然環堵建別墅

西郊曰寄寄園嘯咏其中

縣志

高珍字儒丞號少臺南豐人幼穎異博學隆慶己巳選貢授  
太平府經歷遷貴陽通判安徭爲患珍撫定之補嘉興以  
最遷左州守九虎入城焚香禱於神虎患息性至孝母病  
步禱軍山山空無人蛛網香爐上珍虔禱忽得火燼

母亦壽愈邑宰甯瑞鯉志其墓誌

羅繼宗字思源號仰峰南城人玘曾孫舉隆慶庚午鄉試萬  
歷中令惠安內艱服闋補遂溪性廉潔執法不苛釐剔奸  
弊案牘為之一清覈丁糧均里甲修城池繕傳舍百廢具  
興民無所擾有循良聲調香山去士民感之立祠仕至青  
州同知

廣東通志

萬民華南城人隆慶庚午舉人萬歷十五年知平陽縣振斯  
文崇理學立先儒史伯璿林景熙坊復侵地毀淫祠以建  
社學歲兩稜發粟廣賑通商濟遠存活甚眾捐創各處義  
倉勸輸外更以新闢及無主田入粟實之擢真定同知士  
民懷其德立亭南甕城內至今猶存兩碑

平陽縣志

建昌府志

卷四十三

人物傳七

三

萬煜南城人隆慶庚午舉人萬歷間任雷州同知端莊精練  
遇疑事剖決如流吏喘喘不敢欺修萬金溪以資灌溉蒞  
雷七載士頌民懷攝瓊守篆數月平厓黎亂政聲益著兩  
臺會薦議補瓊守竟以左遷去士民立碑以志去思

廣東通志

吳思學號念虛廣昌人隆慶五年成進士知麗水縣性廉潔  
而才猷敏捷剖決如流公餘課士衡文娓娓不倦內召為  
刑部主事歷官至按察副使生平以直道自矢始終不衰  
為副使時年甚盛遽以養乞歸優游林下而終所著有念

虛文集卒祀鄉賢祠

處州府志縣志

余冕字服周南城人隆慶間由吏員官柳州衛經歷時懷遠  
久為猺賊所殘冕與知縣馬希武撫安猺民督工

民以爲不利勾穉復叛有勸冕避去者冕曰爲國拒

所避死穉數千攻圍冕同希武奮與之敵遍身中矢

不絕口遂碎屍死

縣志

魏侃廣昌人幼孤撫於祖及長通諸經子史人勸之就試曰

吾依祖爲命今祖老而病安忍離左右希進取祖歿廬

哀毀成疾卒其後有唐以補者亦孤兒長於祖母祖母死

哀毀骨立遇諱日輒嗚咽流涕讀書不試與侃同

明縣志

李澄字一清南城人生六歲而母喪初母程疾革手書繼母

人間有王祥天下無語納壁中曰兒稍長於是間取之無

忘母言未幾繼母單果過之寡恩澄年十一偶追念遺訓

取壁間語讀之卽走母墓所一慟幾絕久之泣曰母命我

### 建昌府志

#### 卷四十三

#### 人物傳七

四

矣於是刻木爲母像奉之事單殫竭心力凡可以將順取

容者靡不曲至聲藉聞里中先後郡守暨督學使者俱

以純孝旌澄內不自安斂額藏之不敢榜其門尋得疾談

笑如平時卒之夜半起作自輓詩已擲筆抱母像而瞑

鄧元錫爲立傳

潛學稿

羅軒字叔安南城人汝芳子也六齡時偶卽崇臺有溪山四

面人在畫中之句汝芳奇之省試弗第將食餼翻然曰大

丈夫安能糜茲斗粟耶弟恪字叔與亦諸生借兄棄去歷

諸方訪尋勝友與子弟坐對終日切切以修身勸勉汝芳

官滇莽人以十萬衆犯州境軒輅出奇策佐父平之隨父

學從姑山及門以聚處爲喜軒輅以爲不然曰此志

則東西南北俱在六合中何遠邇聚散之足云汝芳問

然之未幾卒 羅近溪集

張時獻南城人萬歷元年癸酉舉人知旌德縣革耗羨勸農桑時中使以開採至供億不貲時獻悉從官辦絕不擾民會大計當課最鄭司理以挪解錢糧難之旌民一夜代輸

五百金其得民如此 旌德縣志

鄧錫字時敷號澗石新城人父約敦質行以孝友聞錫未冠補弟子員事親孝一夕流寇至躬負二親走踏叢棘中兩脛流血數里不自知入太學與邑王材互相切磋已授松溪主簿每所委疑獄輒能平海倭圍城促官民登陴為死守倭解去兩臺下檄獎丁艱服闋補歸化任滿調貴筑遂

建昌府志

卷四十二

人物傳七

歸子澄官至御史贈錫如其官 縣志

鄧鏃字時雋號中鵠新城人錫之弟為諸生有聲萬歷二年貢太學授河南偃師丞有王生為大豪構陷鏃訊實自令得釋生夜持金為謝鏃曰令自知若寃奈何以不義金汚我居三年投劾歸究心經史尤長於春秋著有春秋止辨以子漢貴贈通議大夫 縣志

湯洽字從吾南豐人萬歷中以明經司李柳州建義順橋除妖僧稱定光佛惑眾者邊蠻起為寇勢洶洶臺司以屬洽洽諭以禍福解甲降軍民肖像祀之洽幼事母孝每除夜必步禱軍峰祈母壽雖雨雪弗阻 近志

曾思孔字習卿號雲亭南豐人父勗以詩名有石壁子詩六

卷勗死數月而思孔始生自傷其孤益發憤於學性剛介力持古道萬歷丙子舉於鄉授英山令英僻山中思孔至首崇學校新先正祠宇授師儒以肄業之室延見諸生問難而啟迪之治民有寬政待僚友時其緩急俾得共爲廉吏歲大水枕骸如泯梗思孔倉皇援拯粟帛以復民業給棺槨以掩遺骸民稍安三年遷同知黃州未幾歸英山民立祠生祀之與冢宰曾同亨修三郡六邑合譜精詳謹嚴稱信乘所著有需雲館集南豐續志求友稿英山縣志內省齋集鄧鍊字文純號純吾南城人生而穎慧讀書有節操萬歷丙子舉鄉試明年成進士授長沙推官時法尙束濕有司方以深刻希上旨鍊治刑獄獨詳慎務得其情讞決稱平允

建昌府志

卷四十三

人物傳七

六

江陵當國勢張甚任楚者多偃僕其門長沙屬鄰郡鍊數載不通一刺壬午以治行第一擢河南道御史尙書梁夢龍因馮璫得吏部中外噤不敢言鍊特疏論罷出按廣東所至問民疾苦與更始獄瀕繫數十人負巨璫直以萬計廉其狀有可原者疏出之劾罷銅墨吏不法若干人民大悅中丞海瑞屏瓊海鍊疏薦於朝召用之報竣因旱言窳造之役大擾江省宜速罷詔從其請復命按三吳賦甲天下豪家竄沒不問反鞭笞下戶又俗多冤獄鍊至首定經制以後先爲期三七爲分賦類其坐凡無賴造訟者悉杖殺之而立出其冤繫者中丞王忬久典刑鍊疏其寃得予卹已丑丁內艱服闋補福建道政亦如按吳粵時

累遷太僕寺卿承平久馬強半折徵借以犒士又借以賚  
功鍊慨然謂天下能却馬以奮乎一旦緩急將奈何遂疏  
陳大計願賜亭格詔下兵部議稍裁節焉時國本久虛鍊  
率同僚疏請發明孝慈得止之義甚剴切留中不報乞骸  
骨歸踰年病卒鍊軒儀密輝以直諫溫靖名於朝由御史  
至廷尉司風紀幾二十年執法如山權力不能奪然雅持  
大體耻爲吹索所建明皆切當世之務生平喜薦賢所舉  
自海忠介外於粵則陳璘於閩則劉鋹李寧遠父子其後  
數人俱以功名顯鍊既卒史臣錄其事以請詔予祭葬祀  
鄉賢

涂雲雁字伯翔新城人少從羅汝芳鄧元錫學萬歷七年領

建昌府志

卷四十三

人物傳七

七

鄉薦授鍾祥令鍾祥故湯沐邑顯陵在焉中貴驕恣陵轍  
縣官雲雁以禮閑之遷順天司理有乳媪張氏藉掖庭勢  
肆爲奸竟坐以法擢南京刑部主事歷廣西司郎中始至  
釋冤辟五人有富民兄弟以爭財訟雲雁牖其天性遂感  
息司寇聞之嘆曰若涂郎真可謂平刑矣出守雷州俗輕  
生遺他人禍爲嚴誣告法俗稍變

縣志

左宗郢字景賢號心源南城人自少器識不凡舉萬歷己卯  
鄉試從羅汝芳鄧元錫學者十年皆有得己丑成進士授  
四川監察御史巡鹽兩浙督學京畿所至並有聲轉南太  
常少卿尋致仕生平篤氣誼愨守師訓羅鄧兩先生歿宗  
郢力爲請謚居官本其師說以美教化厚風俗爲先於師



所著課出入必奉以俱元錫汝芳潛學稿明德詩集  
全書皆為梓行又念近溪講學從姑山勝跡聞天下歲月  
既改堂宇剝落為請於郡守鄔鳴雷得完葺其篤於師門  
類如此性嗜書歷官十數年所至收覽圖籍還山幾充棟  
悉貯之郡學尊經閣凡三百七十種他如建宗廟置族田  
聚書育嬰堂令學者有所誦習又捐田以養之皆其義舉  
有過人者卒祀鄉賢所著有景賢集焚餘蔬草麻姑山志  
西江人  
物志

羅萬程號鵬雲廣昌人萬歷庚辰進士令福清精心吏治事  
有便民者瘁心力圖之擢刑科給事中疏請召還建言諸  
臣范雎姜應麟蔡時鼎黃道瞻王德新顧憲成彭遵古顧

建昌府志

卷四十三

人物傳七

先大等又疏減新糧風琴吏恤畿民聚軍伍四事劾司禮  
監張鯨勢傾中外竊弄大柄若汪直劉瑾必危社稷疏出  
天下想望丰采督學廣東造士有法人稱之曰羅夫子遷  
蘇松兵備副使卒著有青瑣遺編縣志

石瑯字呈潤瀘溪廩生時縣治新設督學試無一等瑯毅然  
呈請面試盱江賦從姑山詩督學使大駭拔以冠軍越數  
年土寇蹂躪瑯練鄉勇為保障地方賴之縣志

李存信字成甫號望龍廣昌人父惠衢州教授有孝行萬歷  
壬午存信舉於鄉教諭宜春捐俸恤士令鳳陽值年饑出  
贖倡賑以其餘置田永施濟陞泰州守除舊吏去積弊建  
宜陵石壩消竈丁黨與誠意伯奪民田立直之三載最聞

民乞留又三載遷南刑部員外郎有疾存信執法者陰中之遂挂冠歸所著有四書存是尚書存是秦州志及詩賦

諸集

何三省縣志

陳欽福字汝祐一字雲衢南豐人萬歷壬午舉於鄉授漳州通判司海餉額稅外一無所取商人戴之立祠祀焉稍遷提舉廣東市舶司海洋市易多珍寶提舉司出入例有饋欽福終其任未嘗有所受遷嚴州同知卒於粵東三水縣西洋人於香山興建特廟凡西洋呂宋暹羅諸國皆焚香禱祀

西洋志內

省齋集

胡濼字子淵號蓄菴南豐人事繼母孝撫弟之孤如子早餽於庠館邑侯鄭秉厚署者數年無所私癸酉秉厚分校鄉

建昌府志

卷四十三

人物傳七

九

聞有心賞卷疑為濼曰薦而售恐為子淵玷竟置之濼聞益喜曰鄭公愛我以德矣萬歷壬午舉於鄉授仙居教諭以身為訓士風丕變遷政和令別釐積弊風紀肅然距縣八十里有鐵礦四方亡命聚而盜四出剽掠前令無如何濼下車即劾賊縱者冒險披榛毀其巢擒盜魁以出置之死積害頓息吳圭陷大辟而枉濼出之勢宦請托濼過之優師儒勤考課獎恬退抑奔競入覲不攜一物都人士聞而賢之未幾病謝歸家居三十載不入城市司李陸鍵邑令楊鏞球一見不可得所作惇宗十訓宗人世守之卒年九十有三祀鄉賢子四人俱厚德享上壽會孫曰協孝謹

世其家

內省齋集

張壽朋字仲蘇號魯叟南城人爲人有高致瀟灑出塵爲詩  
天才雋妙品高氣勝爲文搜抉微細窮極窅渺出入檀弓  
而泯其迹登萬歷癸未進士除刑部主事謫泰安州同知  
終廬州府判生平不耐吏事每聞除書則若有所苦故宦  
途不達足跡徧天下以訪友朋投生徒爲樂人稱爲張西  
江桐川俞寧世曰少陵不奔竄何以有紀行諸詩子厚不  
貶逐何以有柳州諸記使西江優游廟廊黼黻盛治縱著  
述亦不能盡發其幽竒瑰異之致所著有庸言史評深息  
窩集

省志

馮渠字汝達號謙川新城人萬歷癸未進士授泰興令寇魁  
吳廣吳傳子作亂計擒其魁餘黨平申時行當國以渠能

建昌府志

卷四十三

人物傳七

十

請銓部調吳未至上書云閣下以盛德表率其敢有不軌  
者乎有之渠請一切懲以法無所貸時行省書愕然會時  
行受富人寄田避役渠械寄者役之而撲時行家人時行  
怒嗾直指劾渠謫閩嵯知事起永安令永安故多盜渠至  
擒其魁藍能株連者釋之恩威並著民立生祠以祀調海  
豐尋調番禺寨寇竊發民大恐制府將具疏會勦渠止之  
請得便宜從事獲賊首楊彥明磔之他寇發渠令千夫長  
率伍按發巢高樹遠望戒無迎鋒俟掠獲歸襲之又出獄  
中盜餽得諸盜名乃托查鄉兵盡捕以來盜駭散調番禺  
地有毛忠襄祠久圯直指以其址給豪渠慨然責以義卒  
復之總戎李棟寬民周維沒其貲制府徇焉渠直維而還



性白首不渝

霍山縣志內  
省齋文集

沈懋政字西麓新城人萬歷戊子鄉舉早從鄧元錫遊敦尚實學家貧甚妻孥或至凍餒而二親甘旨必備母病號呼禱額割股和藥以進當事欲疏聞懋政力辭又嘗集諸昆季繞膝遊眺以曲娛親意二親終始選栢鄉教授每食莫如生伏臘忌辰輒悲泣不自勝遷彬州知州好胥馮士實傷法彬民側目懋政下車立懲之民有訟兄者為導以孝弟民泣而退期年卒於任彬民建祠八面山祀之縣志

劉文卿字侯如號直州廣昌人少穎敏自貴其身不願知於

世南城羅汝芳見而嘆曰吾國有賈子偕之大道其河汾

之流耶四明沈九疇蘭溪陸可教並偉之萬歷戊子登賢

建昌府志

卷四十三

人物傳七

三

書第一明年成進士出為金華推官御史以文卿為才每按部必挾與俱於是甬東東甌括蒼間盜數起乃並海上蒐山囂獲其渠魁因畫海防數十事遂為長策城東陽令三老子弟條具利害擇行之域成而民不知役嘗自謂冠帶對囚徒燒燭治官牘皆可以內徵此心未幾召為吏部稽勲主事所推薦多屬虛情淡好結納者嘗之又創為磨勘法使人人惴恐避賢而後已而上書乞歸屏居邑之龍湖踰年再起本部勅旨張位有所請託持不可遂改刑部會母病上書改南駕部歸道卒文卿為吏澣衣糲食簡嘖笑暇則朗誦一編服官未嘗攜妻子一老奴荷敝篋相隨而已卒後冢宰趙南星痛選事大壞思文卿清正疏贈光

祠少卿省志

黃立言字大次號石函廣昌人萬歷辛卯舉於鄉謁選得睦州司李時有司寇驚獄者立言三反不少徇旋攝杭州府杭故繁劇立言至多決獄數十案無停牘清操異政卓越一時督撫疏薦擢知達州佐制府朱燮元戮滅奢安二酋擢守遵義建學繕城置郡治會遼餉加派立言以數載節省驛傳代輸以達州軍功遷福建鹽運使未幾乞歸立言才異敏善屬詩文而潔已愛人於聲色勢利之習一無所染所著有滙本末浣花錦沙園居百函集桐江唱和遵義府志於越爰書俗吏考廳紀郡牘嵯政畧若干卷弟立方崇禎三年舉人以孝謹稱子中澹中雅中彥自有傳

建昌府志

卷四十三

人物傳七

三

冊朝集

譚浚字允原號勺泉南豐人隱居著述世無知者惟新城鄧元錫與友善嘗爲之較閱其書而序之其畧曰允原少善於詩長而博綜周覽於七畧九流之事以爲史韻製書實祖羲畫而黃帝正名百物資焉大小篆秦隸與行急就其裔也而作元書有書而後典謨訓誥象象文言儀曲誓命因書以成交易書詩春秋坊焉碑表傳記叙論其裔也而作言文有文而後咨嗟咏嘆永言之而成聲有聲而剛柔輕重徐疾大小有自然之節奏以成音音成而比於中和詩興乘興焉降而騷賦又降而古近體其裔也而作說詩由是數者分合之凡天文地紀人倫物則飛走草木之

情形體爾雅之所訓博雅埤雅之所廣皆備文晰義區分  
井別俾各歸其官以適於用而作全雅諸經史百子叢說  
重複者去要領者存而作類編其於允原較切者曰南豐  
備錄曰譚氏宗乘曰文曰詩其游於藝以濟物者曰醫宗  
共二百二十有四卷元錫之言若此今其書皆亡失惟備  
錄間有藏者頗得體要其宗人所能言曰浚嘗以田三百  
石爲祖祠祭田云孫慎自號放翁遊南雍以詩鳴今猶有  
寶其百律百絕冊者鄧潛谷集

劉承恩字念初號石屏廣昌廩生幼失怙恃哀毀廬墓如成  
人及長能自勵於學著經翼十卷板行於世四子諸經畧  
具其言簡明有識不屑屑拾人牙後而亦不詭於正四方

建昌府志

卷四十三

人物傳七

四

學者多宗之其於講學無專塾弟子每擇寬閒明淨處迎  
之以往升座則執經請業者環相屬辨難蠡起隨所問條  
答之家貧好施予所入束修悉以散親族著撰自經翼外  
尙有史評子概各如千卷藏於家門人著者周仁揭其大

近志

揭其大字思泰號約軒廣昌人少攻制舉業爲時所推已而  
棄去更縱觀河洛二圖嘆曰道在是矣遂端居萊山師事  
劉承恩玩索十餘年獨得其旨其學以闇然爲宗實踐爲  
體先後天爲用行已粹然一出於正大蘭李榮白虔州  
學過邑躬訪願同遊得其片紙輒珍襲而去性至孝  
喪苦處三年號慕如孺子事母樵蘇給養以終其身

彈琴詠風意興蕭然而指次天下事洞如觀火蓋其自任者固有在也所著有環書徵書易傳補尚書傳禹貢世義四書傳圖書直指天文地理圖說六律正音約軒集若干卷學者稱之曰萊山先生子景亦能世其學云

陳本字子深南城人萬曆甲午舉人官南京福建道御史上疏畧言今日不在奇謀就此明白易見人人能言者是在諸臣每事求實廟堂每事責成而已而提綱挈領莫過於閣臣冢臣樞臣三臣而肯求實則每事皆實三臣而肯責成則每事皆成又疏陳七宜曰閱參駁破私交覈保舉汰贈廢嚴法紀禁州縣罰鍰勸武備重人忤魏璫歸起雲南按察司僉事聞坊計以不勝喪卒子允衡自有傳人物志

建昌府志

卷四十三

人物傳七

五

張以化字龍盱南城人工制舉業萬曆甲午鄉試第一其闈墨素爲張侗初所揣摩者癸丑成進士乃出侗初之門互讓師弟子世以是爲美談同時有鄧仲驥字仲子者亦工制舉業而古雅高卓不屑屑於時流與陳大士蕭伯玉羅文止艾千子費無學共刻所爲文其後大士諸人登第而

仲驥獨賈志以没人感惜之

省志縣志

孔尙舉字用之號心恕新城人年十三失怙能盡哀事母劉委曲得歡心劉亡事庶母黃如所生黃每感泣口出腹子固未能也性靜深口不作是非毀譽里中有爭競者片語慰勞咸咨嗟感泣自少至老身不衣綺食不兼味足不履城市園中種竹千竿暇則徘徊其下欣然獨得邑令某



其賢式廬三請避不見子鼎自有傳行狀

賴龍字希雲號振齋廣昌人童年每寢食必依父左右父或他出輒不食夜坐寢所待之達旦及冠父命之就試則曰人生父子不滿百年可一夕離膝下乎兄弟五人各感他篤友愛析產擇瘠窳者受之父死廬墓三年鄉邑稱孝明縣志

劉烜字啟耀號文臺南豐人平生無疾言厲色事會所及輒毅然自任萬歷乙未歲貢任吉安訓導豐邑苦民解千金產無不立破烜謀諸趙太史我白極言官解之便我白遠諸當道其書劄行移悉以屬烜著為令豐人便之遷闡清教諭勢要攘民產價不貲屬攝縣置二人於獄憲司俾烜

建昌府志

卷四十三

人物傳七

六

復訛烜徑出之由是忤勢要遂歸百姓焚香具贐却

不受邑宰徐復陽旌其廬曰德範縣志

黃名卿字仲常號心甫新城人萬歷丁酉舉人任高淳知縣

修永豐堤民得免水患遷漢中同知歲旱禱雨宿堰上天

明大雨如注吏民歡呼勒碑頌之以郡建藩府掘民塚力

爭致仕歸高志

曾漸字時達號梅阜瀘溪人性敏達綽有文譽萬歷中以例

貢兩試北闈不偶授閩縣主簿守職以廉感民以德致仕

歸暨家廟修先壟創立家規長幼翕然從化其他與梁義

渡為德於鄉者甚眾時同邑諸生石鳴鳳亦能文而好善

邑苦鹽權之徵鳴鳳常代人完納不責償其弟石鵠歲歉

貧賑全活甚衆均見邑志

鄧漢宇遠遊號壺邱新城人萬曆戊戌進士初授浙浦江令  
值歲祲申請發廩停征下令勸富室助賑凡饑民計口度  
地就本里給之人沾實惠全活萬計常親歷郊垌問疾苦  
輿隸無擾有父老獻黍漿者必留值償之年少諳練每決  
疑事如神民大服旋調秀水歷直隸內黃所至有循績  
遷監察御史按滇南糾沐黔寧撤淫祠疏請罷商採金劾  
通海鶴州二豪紳不法事皆關滇大利害遷浙金華分守  
道尋備兵寧紹時徵兵援遼他援兵小拂意輒譟寧援兵  
二千亦效尤譟至儀門羣吏皆逸衙獨一老吏漢冠帶出  
坐堂上屹不動從容遣老吏問故援兵以乏餉對立出署

建昌府志

卷四十三

人物傳七

七

中金散之翼日廉得首惡陸敬趙鳳等六人斬以徇羣悚  
慄赴援以是推邊才累陞巡撫順天薊昌肩背神京爲要  
地漢至徧歷兩鎮十五路更置將領裒益兵馬陳邊務六  
事議撫賞議營伍議將領議城堡議責成而終之以定廟  
計未一年而諸所爲備邊者具警報至漢將出戰閉家人  
內署積薪於外戒守者脫不測城破吾死卽縱火焚吾廬  
及戰勝同官欲張大其事飛章報功漢不許漢憂時憤事  
連疏水災星變地震侃侃切直時魏璫煽烈漢受薊門命  
誣以其私人囑至則訊論參降不少貸會御史林汝翁以  
忤忠賢懼廷杖逸至遵化漢爲代題寧死金堦不死奴婢  
悉賢益怒嗾雀呈秀織漢入楊左十五人中逮訊遠戍臨

發家人率衣環泣漢奮袂大笑不顧去闔誅召還復官將  
大用遽卒得年六十高陽孫承宗所傳三十五忠漢其一  
也生平富撰述工詩所著有

南中奏牘留荑館

集南中集

趙師聖字原睿號我白南豐人博學善屬文萬歷丁酉舉於  
鄉甲辰成進士改庶常授檢討歷春坊諭德庶子蒿目西  
郊多壘與朝賢講畫皆九邊大計又集爲邊詞三百餘首  
以諷有位三校禮闈者典試北畿所拔熊化楊漣趙鳴陽  
顧錫疇皆一時名流嘗疏言元稱孔子大成至聖文宣文  
宣可去大成不可去蓋大哉乾元至哉坤元坤不敵乾則  
至不如大且至聖出於子思大成始於孟氏用思孟之論

建昌府志

卷四十三

人物傳七

六

則尊而有據合天地之撰則全而不偏會神宗高拱深宮  
所奏皆不報而識者偉之累遷少詹事時國本動搖舉朝  
過爲激聒師聖獨陰爲調護於經筵及進講東宮一以父  
子天性反覆開導光廟卽位首以趙先生詢而不名未及  
用以艱歸光廟升選師聖亦尋卒年五十六贈禮部侍郎  
其論祭文有曰特奮神祖之鸞坡恭侍先皇於鶴禁時震  
恐惘疑之日殫弼諧羽翼之勞蓋在廷公論也師聖正色  
立朝所交多君子居則敬湯邦翰曾思孔胡濼郡邑苦  
民解用邑人劉烜言力請於臺司易官解民困乃蘇所著  
有東綠堂稿鳴榔草東里集紅泉集丹霞洞草總八十餘

卷祀鄉賢

湯來賀集

諭調武平崇禎初擢知應城縣豪紳富室多梗化者吏胥戶役亦皆宦僕遇征調堅匿不出民既饑又苦重役多去而爲賊紹登至除供應禁猾吏擾民抑強扶弱大聲疾呼一無所憚均里役清優免息詞訟設粥糜以待饑者民得少甦先是城壞僉議以丁糧派修紹登曰富豪在城鄉民何與議久持不決乃捐已俸完葺未幾流賊張獻忠數犯城紹登偕訓導張國勛鄉官饒可久悉力禦之九年賊合營來攻當是時應城以彈丸地經蹂躪者六野無青草歲岌岌如累卵紹登東身枯焦延門檄金無一應者仰天號哭獨檢所餘俸併簪珥悉出爲城守費民感泣與協力同

建昌府志

卷四十三

人物傳七

五

守紹登率壯士出擊躬冒矢石凡五戰五捷斬獲甚衆賊且去有王慎權者邑侍郎城子也夙結怨於族黨怨家潛導賊復來攻事急乞援於上官副將鄧祖禹來救守西南張國勛守東北紹登往來策應匝六晝夜賊攻益銳守益嚴會賊射書索權懼斬北關以出賊乘間登南城交解賊吏民逃竄紹登亟返署易朝服望闕哀號再拜畢端坐堂上賊至手印擊之罵不絕口中二矢二刃死時十二月十日也賊渠嘆其忠以冠帶覆屍埋堂側越明年其子扶視歸易殮啟棺鬚髯戟張凜凜有生氣十三年贈尙寶少

卿祀名宦

明史本傳

李春開字君俞春輝弟爲諸生與兄齊名萬歷丁酉董元宰

江西試得春開後塲歎其宏博拔前茅令閩之同  
國葉向高極推獎之建昌太守蔣方鏞同安人也嘗  
開遺愛比之甘棠春開既歸構別墅郊外沼榭畧具題曰  
涉園又題其柱曰五畝池塘三畝宅一停花竹西停雲所  
著有涉園稿輪山政畧諭俗編

明統志

鄧澄字于德號來沙新城人幼穎敏稍長有淹博名譽萬歷  
甲午鄉試甲辰成進士授庶常改御史巡按江南爲人矜  
尚氣節初成進士主司愛其才令特見門者遲留不卽通  
澄委刺而還主司知之益嘆服爲御史巡方輒因事具疏  
詞皆懇至常熟徐昌祚者中相國時行甥也以刑部郎家  
居穢惡甚有司不敢問楊漣令常熟上其狀澄立劾昌祚

建昌府志

卷四十三

人物傳七

七

置於法特薦漣卓異謂江南守令中無兩人已推湖廣  
事值時行再入閣澄以前昌祚事有卻恐爲所害乃乞  
講別業曰東園因以自號

工書法晚益遒勁

縣志

黃佑號修吾廣昌人幼孤母揭氏刻苦撫之得以成立既長  
博物力學深於性理師事許敬菴盡得其傳以聖賢爲己  
任入都謁相國葉向高辨論陽明之失向高深器之爲人  
剛方卽子姓姻黨無不憚者以歲貢任南康訓導西臺交  
薦陞國子監典簿太僕陳應芳嘗稱其氣充然其心愀然  
其言秩然是真有得於學者所著有四書守言四書會心  
語錄黃氏書經議讀史纂評學者重資錄學政合編



卯舉於鄉乙丑授江津令以廉明慈惠聞在任兩載卒民  
思慕之請祀名宦初應壁鄉舉後不忍違父養輟公車者  
十年又善事繼母得其歡心居父喪致哀盡禮一如喪母  
時蓋終始不踰其節者

南城縣志

劉崇信廣昌人母曾氏年二十生信而寡依外氏以長既長  
請曰吾劉自有家今兒體足効何久煩外氏爲還舊居稍  
生聚復請曰人生止有君父恩向食外氏久當酬而母曰  
向所食乃吾紡績所給也信泣而止性直易里有爭多取  
平焉其他橋梁利濟事歲爲之不已母七十卒每語及輒  
流涕終身不衰

明嶺縣志

璩光岳字山仲號三谷新城人光孚弟萬歷甲辰進士授光

建昌府志

卷四十三

人物傳七

三

州知州州多盜設方畧緝獲始盡有要宦奪民田縱僕殺  
人前吏不敢問光岳坐僕死還其田風采大振父艱歸服  
闋補汝州伊藩初封時有地在汝疏請復賜汝人洵洵光  
岳履畝清覈白王自治其儉從之生事者而民靖遷職方  
員外郎時軍符旁午尅期應發兩司馬倚如左右手尋推  
銓部會疾卒年三十有二生平善草書所著有老子解說

石波館集

高志

鄧京字君大號存六新城人萬歷癸卯舉人授長州學正陞  
工部司務少從鄧元錫學每得一語津津咀嚼不置元錫  
卒師事南州舒曰敬敬稱之通韻學嘗謂一葉隕林一鳥  
遺音皆叶宮商不在字畫蓋有無字之文無聲之音存焉

爲司務時監鉛殿以勞疾卒著有韻書懸解縣志

湯洪先南豐人其大父諸生壇字耻菴有孝友行人無間言故洪先字曰若耻萬歷癸卯領鄉薦授令柏鄉不持家室以二蒼頭之任柏鄉近京畿多貴人族戚洪先持法不徇中貴人爲之斂手一時按無留牘獄無冤民奏政爲畿輔最會權貴過邑待之簡甚遂諷人劾之士民叩闕乞留者數千不允及歸民走送環泣不忍去爲令四載家徒壁立甲申聞北都變遂悲傷成疾卒以弗廖識者憐之內省齋集

涂世延字位五號如本新城人萬歷丙午鄉舉授湘鄉知縣革差單運漕常規行清丈改馬政遷隨州流賊張獻忠數千逼州城世延增修城堞盡心守禦有裨將常世英袁應

節罪應辟世延以立功贖罪二人率兵伏間道斬百餘賊二日復殲賊五十乘勝再戰賊敗折而東中丞唐暉以十日三捷疏報得彙叙賊首白鶴子率萬騎犯隨世延命世英率壯士四十八人夜襲賊巢殲白鶴子等六賊賊率衆攻城復陣斬八十五級追獲二十餘賊賊黨邢紅狼復犯隨會總兵曹文昭提兵至世延爲備芻米犒軍賊衆大敗未幾以年老致仕弟世聘肄業南雍同舍生病疫世聘躬理湯藥獨不避路出丹陽獲彙裝俟亡者至還之孫景祿

順治進士

高志

趙伯里字德卿號星門南豐人萬歷丙午登賢書令四川遵義俗獷悍水西苗酋安邦彥叛服不常雖動大師沙谿猶



爲所踞里至建明德堂立鄉約所於各鄉禁淫虐懲奸  
設險築柵德威並立邦彥悔過順命以沙谿來歸降將游  
朝炳素遭賦賄里設施奉要束維謹內報歸服闋補定遠  
時流寇蠢動歲復大饑里曰不恣賑民皆歸賊矣遂開廩  
出粟招其民濬濠增堞選其壯勇者爲鄉兵得千人教以  
軍法其不在軍者煦嫗之如慈母不得已而笞數無過十  
五者百姓呼爲趙十五崇禎丁丑秋張獻忠圍城里調度  
守禦皆有方畧率其屬分守城上冒矢石不少動有觀望  
退縮者立斬以徇民感里惠憚里嚴皆奮勇賊覩其壁壘  
旌旗凜不可犯歎曰此中大有入遂退去內臣統禁軍數  
萬所過驛驛里待之有方擾攘遂絕歲旱禱雨立應飛蝗

建昌府志

卷四十三

人物傳七

二十四

徽天至定遠境獨不入崇禎十四年以老病乞歸祀遵義

定遠名宦

未遠堂集

黃有仁字新甫南城監生歷蘭州同知嘗從羅近溪講學近  
溪稱其簡重和易有古賢哲遺風又云比年饑疫相尋郡  
邑餓莩盈村骸骨不掩有仁偕仲子鳳陽出金發倉粟施  
棺給粥無所吝倘所謂富而好行其德者耶生平善詩文  
所著有適適館集

縣志

周朝瑞字思永南城人萬歷庚子以山東臨清籍領鄉舉丁  
未成進士授中書舍人光宗嗣位擢吏科給事中疏請收  
錄先朝遺直俄陳煥初三要曰信仁賢廣德澤遠邪佞因  
請留上供金花銀以佐軍興詞多斥中貴中貴皆惡之激

帝怒貶秩調外時列諫垣甫四日也未出都而熹宗立詔復故官疏請容納直言又陳考選諸弊口講將舉進君臣交警之規帝並褒納賈繼春之請安李選侍也朝瑞力駁之與繼春往復者數四天啟元年再遷禮科左給事中時遼事方棘朝瑞請於閣臣中推通曉兵事者二人司其事而以職方郎一人理機宜給事中二人主封駁帝可之確縣知縣王納諫爲閹人所誣中旨鐫秩給事中毛士龍以糾駁閹人爲府丞邵輔忠所陷中旨除名朝瑞並抗疏論列十二月辛巳日上有一物覆壓忽大風揚沙天盡赤都人駭愕所司不以聞朝瑞請帝修省而嚴勅內外臣工毋鬪爭懼國更詰責所司不奏報之罪帝納之時帝踐祚歲

建昌府志

卷四十三

人物傳七

三

餘未嘗親政權多旁落朝瑞請帝躬覽萬幾帝降旨言政委閣臣祖宗舊制不可紊然其時政權故不在閣也明年二月廣寧失詔倖經筵日講朝瑞等上言此果出聖意輔臣當引義力爭如輔臣阿中涓意則其禍滋大且主上冲齡志意未定獨賴朝講不輟親臣得一覲天顏共白指鹿之奸今當朝已漸傳免倘并講筵廢之九關既隔謁見無時司馬門之報格不入呂大防之貶不及知國家大事去矣會禮部亦以爲言乃命日講如故已偕諸給事御史惠世揚左光斗等極論大學士沈淮結中官練兵爲肘腋之賊淮疏辨朝瑞等盡發其賄交魏進忠盧受劉朝客瓦而末復侵其私人邵輔忠徐大化語過激奪頭首世揚俸太

化嘗承要人指力攻能廷弼朝瑞惡之無何王化貞棄職  
寧逃大化又請立誅廷弼朝瑞以廷弼才可用請合帶罪  
守山海疏四上並抑不行大化遂力詆朝瑞朝瑞憤亦醜  
詆大化所司爲兩解之朝瑞方擢太僕少卿而大化爲魏  
忠賢腹心必欲殺朝瑞竄其名汪文言獄中與楊漣等五  
人並逮下鎮撫獄坐妄議移宮及受廷弼賄萬金五日再  
訊撈掠備至竟斃之獄崇禎初贈大理卿官其子命寧福  
王時諡忠毅

一統志明  
史本傳

涂國鼎字牧之號侯如新城人父朝敬字一亭常從羅近溪  
鄧潛谷講學國鼎登萬歷丁未進士由行人擢銓司以清  
通著晉太僕卿釐覈積年馬政又條奏利弊稱旨得侍經

建昌府志

卷四十三

人物傳七

三

廷東陞告警國鼎職調馬故事須候部牒國鼎聞遽便宜  
馳檄以是馬不資敵而軍威克奮時司馬司空駢首就戮  
惟畢大司農與國鼎議優擢僉都御史易應昌有偉望以  
忤旨被逮上意必寘諸辟國鼎爲刑部左侍郎爲申救得  
減等是時懲寬弛法網稍密國鼎不爲矯拂而陰以寬大  
濟之諸大獄多所平反未幾以母老乞終養歸十載以南  
京吏部尙書起於家攝南樞部會考選軍政有族人子同  
指揮因緣爲奸國鼎廉知其狀立寘諸法屢屢哀嘉曰明  
允著稱曰老成練達曰清德素著方屬意大用會有爲訖  
者乃以疾請章疊上得溫旨遂致政歸卒於難

簡有介性終身不入公庭國鼎助之田園辭不受



刑科給事中首...  
沈之賈李三才...  
人相非由故...  
位數月疏凡七上皆鑿鑿名言舉朝憚服以終養乞歸卒

明縣志

郭之文字應尼南城人萬歷三十八年進士授南京工部主事歷郎中出知真定府為人高簡清峻風流軼羣與黃貞父曹能始鍾伯敬王季重相友善著有遠山堂餘研齋集

省志

賴孔謨字子遠號翼瑞廣昌人性至孝父母繼歿廬墓六載益府敬王嘉其行命中尉賞孝子二字賜之

先傳紀實

建昌府志

卷四十三

人物傳七

六

吳紹宗字二壁新城人萬歷間諸生父道隆病劇紹宗度不能起謁崇仁縣華山具疏禱神願捨身代父死頃之跳身投崖下崖深百餘丈觀者以為墜崖死矣無何見紹宗儼在神殿中怪問其故紹宗具言墜崖時空中有白雲縈繞如履平地見一石門洞開有神人授以仙篆七十二畫令歸焚與父服如其言父果愈邑縉紳奇其孝咸佩服為弟子

石文器字伯重號玉完瀘溪人性骯髒慷慨任事萬歷巳酉以選貢中順天鄉試癸丑成進士授廣東曲江令地多盜文器戰遊博絕至藏盜皆徙大水暴至田廬毀官原粟盡濕文器不待報盡發之以賑民民大悅以擅發獲盜安

慶經歷攝太胡令四十八日政警及者民立祠生祀  
永平司埋丁外艱補建寧鋤兇殲猶決獄於片言旁  
來質成擢大理左寺副轉右寺正與定諸逆案得其平  
禎已巳都城戒嚴有旨斂兵入城以待援師文器疏言斂  
兵城內士不便請簡精銳募布城外鼓其慷慨以與勤王  
誦合神臂飛礮之威有所施反間潛伏之計有所用于謙  
用石亨洪彪於城外而社稷固於苞桑此已然之明驗也  
未幾袁崇煥復以入城休兵爲言帝遂下崇煥於理河間  
缺守以畿南重地擢文器爲知府文器濬濠治械日夜以  
盜爲事盜發獻縣巡撫遣備兵前往捕兵備怯許盜自首  
盜益恣馳突城圍莫敢問文器掩捕盜魁尸諸市盜稍逸

建昌府志

卷四十三

人物傳七

元

去孔遊擊叛文器授計營將伏兵潛伺斃賊五十餘人生  
俘倍之賊遂奔山東破一郡七邑誨海令巡撫私人也役  
民夫而中飽千金直文器劾之巡撫怒劾文器設守擅殺  
罪坐戍久之得放使國變素服哀號卒年七十九

臨川揭重熙表其墓

鄧時康字伯莊南城人少膂篤有至性四歲喪母能擗地踊  
哭不自休稍長篤於學爲諸生人稱醇儒年四十以學行  
選貢入太學尋以事被誣謫戍遼東赦歸道京師聞父訃  
一慟幾絕念欲歸伏牀下數往事泣謝無狀辱親今抵此  
何庸爲生旣歸毀甚後十年卒南城王華銘其墓曰學會

其大性率其真伊之君子粹然稱醇潛學

易宏演字白涵廣昌諸生五歲喜誦孝經七歲而孤人不忍聞其哀九歲母病茹藥撫摩衣不解帶母卒事兄及嫂撫季弟以友愛稱有醫先人壟樹及祭田者皆贖之友人為偽契所陷力白之及卒督學侯峒曾檄祀鄉賢子承昊承乾皆舉人何三省縣志

楊思庠字懷簡新城太學生家故饒性好施與萬歷甲寅邑大疫粟石千錢思庠有田在禪村歲收可萬餘石慨然曰社倉之法散而復斂怨之所聚也常平善矣官為政或吏侵蝕之澤不下施今吾得常平之意而宏綱節目一做社倉吾固自為政有散無斂乃平石以四合貧者書冊計家

建昌府志

卷四十三

人物傳七

三

口畸零發之居奇者坐廢自是無論豐凶歲以為常生平通敏強幹尤精心平糶其出與鄉中粟常計兩月之食盡復來如是者三凡鄉間貧富善不善及一家強弱死生多寡胸皆有成藉人莫能欺崇禎壬申饑賑之丙子又賑壬午大饑率諸子設粥於楓山龍湖以賑死者給其槨久之廩竭而新未登將止粥時長子居曾病寤呼弟居吉曰夢神謂余邑尙有三百餘人生死待爾家而決思庠悟立出重價買米以繼思庠卒後國變播蕩有兜子數十未擔數十洶洶中急趨楊氏昇婦女以出喘定問之曰我等皆三十年仰衣食農丁此所以報也遂免於難子六人仲子理庚午舉於鄉孫日升順治乙未進士縣志

楊思本字因之新城人少有異質比長一意於古爲文身家  
庾鮑直入其室而所著繹道十箋太平三策經國二十書  
又頗似李泰伯繹理精籌畫密言皆可起而行顧世但知  
思本爲詩人不知其實學也前輩若邱毛伯湯若士近時  
若王阮亭皆亟賞其詩文獨黃元公比其書於子雲太元  
與涂子期涂仲嘉江如僧及從弟希震交最密子期仲嘉  
以節見而思本竟無所遇以諸生終族孫日升釐其所著  
爲十卷刻之統曰榴館初函集採本

甘治字白水南豐人性慷慨有幹濟才而居家特婉順年四  
十父怒輒請授杖杖已色逾和父悅乃已父以無疾逝兒  
居於鄉治封識父所遺笥中金及諸籍託物悉付兄無所

建昌府志

卷四十三

人物傳七

三

私方修譜於了溪聞封山賊倡密密教無知者起應之治  
爲文諭以禍福多解散去其魁恨甚謀劫治爲謀主而治  
已先知乘夜避入城城門閉已數日聞治呼懽迎以入蓋  
官紳皆諗治才畧且自賊中來知虛實也治出所繪封山  
圖并條列十六議上諸當事且爲邑令畫策下教各莊備  
糗糧大兵十萬且至賊益駭散者益衆治乃令子士應鸞  
產助軍與諸大姓皆聞風響應郡守李恢先曰南豐有人  
妖不足平也縣令林壽芝每造膝輒傾倒曰八面才不得  
當一面耶封山妖寇

仙詩不與聞其事者士應字應侯事後母以孝聞嘗爲  
司官邑中賦役增減積弊革之士應子京從以



平積寇爲民請命蓋三世有造於豐邑也然皆以諸生終

京自有傳

邵先士集

黃中雅字仲倩廣昌人立言次子也萬歷四十六年舉人任保昌知縣爲政恬淡不苟取與專務與民休息邑大治未幾擢雲南巨津知州始至考問風俗以興學教人爲首務俗好賽神所費每不貲中雅諭之曰何不以此克徭賦而以其餘養父母蓄妻子俗以頓改治訟不事鈎摘而能得其情鄰郡有獄上官每檄中雅聽斷莫不平允丁父憂遂不出

耐耕堂集

鄧允淳號素公南城人御史鍊子萬歷末以蔭入仕歷官順天通判魏忠賢誅柄其奴爲盜藪允淳訊治如法遷南虞

建昌府志

卷四十三

人物傳七

三

衡權闕蕪湖同官邀拜忠賢祠者笑不應邀者慙且怒構罷歸已復織允淳等強項郎四人擬逮旨未下而忠賢敗生平博雅善章奏鄭公二陽每具疏必留允淳觀草尤繫情桑梓嘗擬疏請改貯鹽隸汀會構禍而止崇禎初錄

遺直起官刑部郎中子廷彬自有傳

高志

吳煥南城人自其高祖盛曾祖瑾以孝友立爲家訓祖禎父楚相繼守之至煥凡五世又下逮其孫曾凡八世同慶至二百餘人煥繼父秉家政益以孝聞有司世世旌之泰昌元年巡按御史張銓疏於朝言煥家同慶而食分織而衣耕者無惰力買者無私財士勤於學女勤於工兒孫更兄弟共衾遠可繼公藝之遺風近足方鄭門之義範

旌爲義門其後歲饑煥輸財助官賑濟復賜旌表鄉里傳  
爲美談盛年百有三歲自瑾至煥皆壽躋耄耋

明史孝義傳張銓疏

黃隆南豐人富而好行其德歲饑賴以救活甚衆餽餉禦寇  
全城之功尤大

高志

